

ՀԱՄԲԱՒԱՐԵՐ

ՀԱՍԱՐԱԿԱԿԱՆ ԳՐԱԿԱՆ ԵՒ ԴՆԵՊՈՂ ԱՔԱԿԱՆ ԽԱՐԱԹՅԱԹԵՐԹ

ԿՈՎԱՍՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպեկ

Լոյս է տեսնում կիրակի օրերը

10 կոպեկ



ՐԱԺԱՆՈՐԴԱԳԻՆԸ տարեկան 4 հատիկ, կէս տարուան 3 հատիկ.
Արտատնական տարեկան 5 ռ., կէս տարուան 3 ռ.

ԽՄԲԱՐՈՒԹԻՒՆԸ՝ Թիֆլիս, Արտատնական հրատարակ. № 7.
Հեռախոս № 29.

Գրասի հասցեն.— Тифлисъ, „Амбавабери“, Tiflis, Rédaction du journal
„Hambavaberi“.

ԵԱՅՏԱՐԱՐՈՒԹԻՒՆՆԵՐ՝ առկին 10 կոպեկ.

Քաղաքացիները բաց է առաւտեան ժամի 10—2. Բացի կիրակի և առաւ օրերից
Տպագրութեան ուղարկումը ձեռագրերը կարող են նմարկուել փոփոխման և
կրճատման:

Տպագրութեան համար տնայրմար ճանաչուած մեծ յօդուածները պահուած են
վեց ամիս խմբագրատանը, իսկ փոքրերն անմիջապէս ոչնչացուած:

Տպագրութեան համար տնայրմար թղթակցութեանց և յօդուածների առթիւ
խմբագրութեան պարտաւոր չի համարուած գրաւոր քաջատրութիւններ տալ:

ԲՈՎԱՆԴԱԿՈՒԹԻՒՆ

Սխալուած չենք, Լէօր.— Միութիւնը ոյժ է: Ա. Արծրեանի.—
Այնտաճգի պահանջ. Յ. Տէր Միրաքեանի.— Հայութեան
մնացորդը Թիւրքիայում, Արշակ Սամբուրեանի.— Համագու-
մարի անհրաժեշտութիւնը, Ալ. Մանուկեանի.— Ռազմական տե-
սութիւն, Լեւանի.— Ախաթի կոտորածը (Փրիւս), Յովսէփի

Բաշոյեանի.— Գեղարձակութիւն.— Բանաստեղծ. Վիթու-Չիլանի.—
Հայրենի աշունը, Հ. Արտուրի.— ՏԱՐԵԳՐԻ Գ. Հ. Բ. ԸՆԿ. (Կենտ.
Սորհուրդ, Հ. Կ. Կոմիտէ և Գարեհաւորման բաժանմունք).—
ԳՐՈՆԻԿՈՆ.— ՆԱՄԱԿ ԽՄԲԱՐՈՒԹԵԱՆ.— ՏԵՂԵԿԱՏՈՒ.

ՌՈՒՍԱՀԱՅՈՑ ՀԱՄԱԳՈՒՄԱՐ

Կազմակերպիչ Միջկուսակցական Խորհրդակցութիւնը յայ-
տարարում է ի գիտութիւն ռուսահայ ժողովրդի, որ

Ռուսահայոց Համագումարը

տեղի է ունենալու Թիֆլիսում, օգոստոսի 20-ին: Ընտրու-
թիւնները՝ ընդհանուր, հաւասար, ուղղակի, զաղտնի և
համեմատական սկզբունքով՝ կատարուելու է ամենուրեք,
թէ քաղաքներում և թէ գիւղերում յուլիսի 23-ին:

Ընտրական միութիւններ կազմուած են շրջանները,
որոնց մանրամասն ցուցակը, ինչպէս նաև կանոնադրու-
թիւնն ու օրակարգը, տես «Հորիզոն» № 114-ում:

Համագումարի գիւմը գտնուած է Յովսէփեանի դպ-
րոցի շէնքում: Օտար քաղաքներից դիմել այս հասցէով՝

Тифлисъ, Бебутовская ул., Анановское училище. Бюро
Междупарт. Совѣщанія.

ՄԽԱԼՈՒԱԾ ԶԵՆՔ

Անցեալ մեր յօդուածը գրելիս մենք չէինք կարող նմադ-
րել անգամ որ ընդամենը մի երկու-երեք օրից յետոյ մի խոշոր
փառա պիտի զայ ապացուցանելու մեր՝ նոյն իսկ ամենամոռայ
եղբակացութիւնների կատարեալ հնարաւորութիւնը.— այն, որ
զերազանցօրէն տարօրինակ է հայ ժողովրդի ճակատագիրը.—
այն, որ նրա համար երաշխիք չէ նոյն իսկ և ազատութիւնը.—
այն, որ կարող են մեր առած անհուն և անթիւ զոհերի կոյտերի
վրայ ամարդօրէն սեփականութեան իրաւունք պաշտպանել.—
այն, որ կարող են մեզ մեր արնախում սեփականատէրերին վե-
րադարձել և զբանով յաւիտեան ջնջել մեր գոյութիւնը:

Սարսափելի են այս եղբակացութիւնները: Բայց կեանքը
ապացուցում է որ երեւակայածից աւելի սարսափելի բաներ կա-
րող են պատահել հայի ճակատագրի մէջ:

Ներկայումս, ինչպէս յայտնի է, Գետրոգրագում տեղի ու-
նեն Ռուսաստանի բանուորական և զինուորական խորհուրդների
ներկայացուցիչների նիստերը, որ ռուսական սոցիալիստների մի
խոշոր և շատ էլ ազդու հատուածը, որ կրում է շրջանաձիգ ա-
նունը, մի շարք ծայրայից պահանջներ է անում: Գլխաւորապէս
հարցն այն է որ ամեն միջոց զործադրուի հաշտութիւն կնքելու
համար: Ահա այդ պահանջների մէջ էր, ինչպէս երևում է, և այն.
որ ռուսական բանակը մաքրէ Թիւրքաց Հայաստանը, վերադար-
ձնէ նրան թիւրքերին:

Ահա թէ ինչ է ասում յօշոտուած թիւրքահայութեան ճակատագիրը: Ամենածայրայեղ կարմիր սամկավարութիւնը, այն, որ նոյն իսկ ոչ հեռաւոր ապագայում խոստանում է մարդկութեան մի ամբողջ դրախտ, հրէշաւոր, սարսեցուցիչ չէ համարում որ այժմից իսկ, մինչև պատերազմի վերջնալը, թիւրքական կախաղաններէն հրաշքով ազատուած բնակչութիւնը մարդիկ նորից յանձնուեն իրանց զանգեներին:

Միայն հայը կարող է այսպիսի պարմիր արդարադատութեան արժանանալ: ԶԷք հաւատում էրէն Գալիցիայի մի մասն էլ գրաւուած է ռուսական զօրքերով: Բայց խօսք չէ արուած որ այնտեղից ևս հեռաւոր ռուսական բանակը: Պարզ ու մեկին հնչում է միայն մի անուն—Թիւրքաց Հայաստան: Ամեն ինչ անել է այս գծադր երկիրը: Ինչու չտեսնէ և այս մի երևոյթը, վերջինը, կարծեմ, ամենածայրայեղը, ինչ կարելի է երևակայել մարդկային տարօրինակութիւնների աշխարհում—ազատութիւնը, որ հանում է սանձերը գաղանթեան արեւնոս, բերանից և տալիս է նրան զարմեալ և զարմեալ մորթելու, արեան ճակատիքներով մինչև վերջին ծայրը յղիմանալու հաճոյք...

Նրեւոյթը, հիշա է, այսօր դեռ մասնաւոր բնակչութիւն է կրում և նրա նշանակութիւնը չափազանցելու հիմք չունենք: Բայց այսօր է այսպէս: Վաղը նա կարող է դառնալ մի ամբողջ տարեբային շարժում: Յեղափոխութիւնը անակնկալներից է հիշուում: Վաղը կարող է կատարեալ յաղթանակ տանել այն ուղղութիւնը, որ ուզում է մօցնել ռուսական յեղափոխութեան մէջ լեւնինը: Վաղը կարող է կարուել և այն բարակ թելը, որ այսօր մեր գլխին կախ է պահում դամոկլեան սուրը:

Իսկ մենք, հայերս, մի գծախտութիւն ունինք.—շտապել չենք սիրում: Վատուած ոգորմած է... Վաղը տեսնենք ինչ կը լինի: Մեր դարաւոր գերութեան սրբազնագործած այս ինքնապանութիւնը ամեն անգամ մեր ունեւրին է փաթաթուած, երբ անեղ ճայթմունքները մեղ նախազգուշացնում են, մեղ արեան և քնման խօսքեր են բերում:

Եւ մենք լուռ ենք այսօրուայ ահաւոր նշանների առջին էլ, ինչպէս եղել ենք միշտ: Ամեն մի մասնաւոր խօսք անգամ, որ սպառնական նշանակութիւն ունի մեր գոյութեան համար, պիտի ուժեղ դիմադրութեան հանդիպէր մեր կողմից, պիտի հարկադրէր մեղ դուրս հանել մեր հոգեկան ինքնապաշտպանութեան ամբողջ թափը: Իսկ ներկայ դէպքում անեղ խօսքը մասնաւոր շրջանակից չէ դուրս գալիս, այլ միաստատան իր ձեռքում բռնած, հրամայող և կառավարող սամկավարութեան մի խոշոր և ուժեղ հատուածից:

Ինչ ենք, սակայն, անում մենք: Նստած ենք Աստուծո ողորմութեամբ և լուռ ենք. կարծէք մեր հասցէին չէ որ արձակուում են դատաւիտներ:

Մթթէ խօսել չը գիտենք: Մթթէ նիւթ չունենք: Մթթէ մեղանում մեռել է բողոքի զգացմունքն անգամ:

Ոչ, Թօսել գիտենք, նոյն իսկ չափազանց շատ, լեզուազարութեան հասնող չափերով:

Ունենք և նիւթեր: Անոնի, սարսեցնող նիւթեր, որոնցից կարելի էր կազմել հազարաւոր հատորներ:

Դիտենք և բողոքել: Դեռ նոր էր որ հայ աշխատաւորութիւնը բողոքի ցոյց արաւ աւաւրիական սոցիալիստ Աղլերի մահապատմի դէմ:

Բայց էլ ինչն է մեղ պակասում:

Եւ ահա նորից ու նորից մեր առջև է գալիս հին ցաւը, նոյն կախարդական օգակը, որի մէջ անվերջ ու անյայտ պատեւուց խեղդում ենք: Այդ ազգովին գործելու, ազգային գիտակ-

ցութեամբ առաջնորդուելու անկարողութիւնն է: Մենք կարծես ամաչում ենք որ բնութիւնը մեղ համար բացառութիւն չէ կազմել և մենք էլ մէկն ենք աշխարհում ապրող, գոյութեան դաժան կոխ մղող հազարաւոր ազգերից:

Թէ չէ՝ մթթէ բնութեւոր հայ ազաներ և աղլիկներ, որոնց սպանում է զանգեների ձեռքն ընկնելու հնարաւորութիւնը, մի Աղլերի չափ էլ չկան:

Թէ չէ՝ դժուար էր միթէ թարգմանել և ապագրել անգլիական կառավարութեան հրատարակած հազոյա Գիրքը, որի մէջ ստանաւորութեամբ, փաստերի սարսեցնող անժխտելիութեամբ պատկերացած է հայ ժողովրդի ամբողջ խողիւղումը: Գուցէ ամենատաննելին այն բոլոր ոճիրներից, որ կարողացել է կատարել մարդ ասում քանը երբ և իցէ:

Ահա ինչն էր կարող ենք մենք գնել այն մարդկանց և կուսակցութիւնների առջև, որոնք մեր վիճակի կարգադրութիւնն են յանձն առել իրանց վրայ:

Բայց ինչ ենք ասում: Նոյն իսկ լրագրական յօդուածներով էլ զլացանք մեր դժգոհութիւնը, մեր բողոքը յայտնելու:

Ամաչում ենք որ ազգութիւն ենք և իբրեւ ազգութիւն էլ ունենք մեր մեծ, կենսական հարցերը:

Ահա ուր եկանք հասնել 1914-ի կամաւորական շարժման տենդից յետոյ:

ԼԵՕ

ՄԻՈՒԹԻՒՆԸ ՈՅԺ Ե

«Համարուաբեր»-ի անցեալ համարում մեր ահաւոր գրող պ. Լէօն բարձրացրել էր մի շատ այժմեական և կարեւոր հարց: Ծարգելի յօդուածագիրը հայ ժողովրդի պատմութեան կարմիր էջերն ու ներկայ ահաւոր վիճակը պատկերացնելուց յետոյ, շեշտում է այն փաստակար անշատագանութեան վրայ, որ այսօր ձգտում են առաջ բերել ռուսահայ և թրքահայ հատուածների միջև:

Հայ տառապանքի ու արեան ձայնը երկար տարիներ մեր ժողովրդի երկու հատուածները կապակցել է իրար հետ, միևնոյն ցաւափ, հայրենիքի ազատագրութեան միևնոյն տենչերով բոցավառուել ու ոգևորուել են նրանք:

Ծիշա է որ մէկ հատուածը—արեմտահայութիւնը—անձնապէս ենթակայ է եղել տառապանքի ու սրածութեան, քայքայուել ու հիւծուել է, քշուել ու հեռացուել է իր սեփական հողից ու ջրից և դարձել ջարդուփշուր ու հալածական, բայց միւս հատուածը—ռուսահայութիւնն էլ անսալով իր եղբայրական պարտքի գիտակցութեան ձայնին՝ փութացել է օգնութեան ձեռք կարկառել իր ամանջուած եղբոր և մեծ չափով հոգացել է նրա ֆիզիքական ու քարոյական կորիքը:

Մեր նպատակը չէ բնաւ այստեղ ցոյց տալ թէ արեւելահայ հատուածը ինչ չափով կատարեց իր պարտականութիւնը, ճիշտ կարողացաւ մեղմել ծով թշուառութիւնը. այդ աշխատանքը մենք թողնում ենք պատմութեան անաչառ դատաստանին: Բայց որ արեւելահայ ժողովուրդը յանձին իր գիւղացութեան և մտաւորական ոյժերի անկեղծ և ազնիւ զգացումներ է ունեցել գէղի տառապող ցեղակիցը, որ նրա ցաւերը համարել է իրենը, նրա գառն իր գառը, այս մասին յիմարները միայն կարող են կասկած ունենալ:

Մեր մեծ տառապանքն ու արեւնոս պատն է եղած այդ

զգացումին անկեղծութեան զօրավիզը ու մեր արիւնոտ ճակատագիրն ու ապագայ ակնկալութիւններն էլ պիտի զօրաւոր հիմնաքարերը դառնան մեր եղբայրական միութեան:

Այս պարզ ճշմարտութիւնն, վայրկեանի այս լուրջ ու տըրամաքանական ըմբռնումը սակայն մի քանի տնաս ուղեղների կողմից սխալ հասկացուելով, թիւրիմացութիւն է առաջ բերել և ստեղծուել մի չփոթ և ձնասակար մթնոլորդ:

Այս ու այն կողմից ձայնում են թէ Տաճկահայաստանի հարցը միայն իրենց տաճկահայերին է վերաբերում, թէ արեւելահայը պիտի այլ ևս ձեռք թաշի արեւմտահայի գործերից...

Միւս կողմից տարբեր ծայրայեղութիւններ էլ առաւանայրի մէջ են երեան գալիս ամեն օր. ծայրայեղութիւններ, որ երբէք չէր կարող ցոյց տալ մի գիտակից ժողովուրդ, որ արեան ճակագիրների, փլատակների ու գերեզմանների միջով է անցել:

Ներկայ ճգնաժամային բողոքներին երբ ազգերի ինքնորոշման, մանր ժողովուրդների ազատագրութեան նման կարգինալ և մահուան ու կեանքի արժողութիւն ունեցող հարցեր կան դրուած հրապարակի վրայ. երբ իւրաքանչիւր բողոքն յղի է ծանր անակնկալներով, այդպիսի պատասխանատու վայրկեանին, հայ ժողովրդից մանաւանդ կը պահանջուի ազգային միութիւն և ազգային իգէալների անշեղ հետապնդում:

Տաճկահայաստանի խնդիրը, մեր թափած ծով արեան և մեր թշնամու կատարած ոճիրների գնով բազմապատկուած այդ արդար խնդրի լուծումն՝ այս կամ այն հատուածի, արեւելահայի կամ արեւմտահայի խնդիրը չէ, այլ հայ ցեղի ամբողջութեան, առաւանկան մեծ ժողովրդի և ամբողջ մարդկութեան մտահոգութեան հարցն է, և մենք հայերս պատմական այս լուրջ գիտակցութեամբ զինուած ոչ թէ պառակտումի մոլար ու ազէտալի ճանապարհներ պիտի ստեղծենք, այլ միութեան և համագային գործունէութեան շինարար ուղին:

Թրքահայ գաղթականութեան կարիքների, երկրի վերաշինութեան, քրդական բարբարոսութիւնների սանձաւարութեան նման կարեւոր և այժմէական խնդիրները՝ հայութեան ամբողջականութեան մտահոգութիւնն պէտք է կազմեն. մի հատուածի փոքրիկ ոյժը անկարող է բաւարարել ծով կարիքը: Ամբողջ հայութեան միացեալ զօրութիւնն անգամ դեռ բաւական չի գալիս մեր կարիքների և հոգսերի բաւարարման գործում, այլապէս կարիք չէր ստեղծուի օտար ազգերի և մարդատէրների միջամտութեան:

Այս պարզ ճշմարտութիւնը միթէ բաւական չէ համոզելու մի կարգ պարոններին, որոնք իրենց քաղաքական տնաս մաքերով կուզեն պլուտոնել հրապարակը:

Գործունէութեան ձեռ կարող է միշտ փոփոխութեան ենթարկուել նպատակայարմարութեան համեմատ, կարող է այս կամ այն մարմինը ձեռք առնել ժողովրդի կարիքների բաւարարման գործը: Բայց որ գործունէութեան եղանակն ու գործող մարմինները պէտք է բղիկն համագային տուեալներից և կամքից, այդ երկու կարծիք չի կարող վերցնել:

Բաւական է, որ հայի շարաքառաթիկ պատմութիւնը կըրկ-

նուի, մեր արիւնոտ ճակատագիրը միշտ մեայ արիւնոտ ու դաժան, շնորհիւ մեր անհեռատես և անխոնհմ քայլերի: Բաւական է որ հայի հին, ռիւերիմ և դարանակալ սպասող օձը—անջատման ողին—բարձրացնէ իր թունաւոր գլուխը, սերմանէ իր մահաբեր թոյնը:

Մեզ համար այժմ հարկաւոր է համագային աշխատանք, հատուածամու ու ծայրայեղ տենչանքներից զտուած աշխատանք:

Միութիւնը ոյժ է. պէտք է միանգամ ընդմիշտ ըմբռնենք ու մարտենք այս յաւիտենական և տարրական ճշմարտութիւնը:

Ա. Արծիւսան

ԱՆՅԵՏԱԶԳԵԼԻ ՊԱՇԱՆՁ

Այս հրամայական պահանջը դնում է գաղթական որբերի ապագան: Մինչև հիմա մենք մի կերպ պահանջները նրանց ֆիզիքական գոյութիւնը, դպրոցականի հասակ ունեցողներին էլ մասամբ ուսում տուինք, բայց հետզհետէ ստուարտում է 15-17 տարեկան երեխաների թիւը, և մի երկու տարի յետոյ մեծամասնութիւնը կկազմեն նրանք, որոնց առջև դրուած կը լինի ապագայի հոգսը: Հիմա արդէն շատ տղաներ և երեխաներ աւարտելով որբանոցների և կամ գաղթականական դպրոցների տարրական ուսումունը, զիմում են միջնակարգ դպրոցներին, բայց տարաբաղդաբար մանաւանդ այս տարի, շատ քչերը պիտի կարողանան տեղաւորուել:

Ի՞նչ պէտք է անել:

Անհրաժեշտ է այսուհետեւ մեծերին դառնել փոքրերից և առանձին հանրակացարաններում պահել, նրանց ձեռնահաս դաստիարակների ազդեցութեան ենթարկել և ապագայի համար լուրջ պատրաստութիւն տեսնել: Այսպիսով գաղթականների կեանքում պիտի մի ուրոյն գործ բացուի, գաղթականական գործերից կարեւորագոյնը, որին կապուած է Արեւմտեան Հայաստանի նոր սերունդի ապագան:

Արեւմտահայերի Երեանի համագումարը ընտրել է մի կենտրոնական խորհուրդ գաղթականական գործերի մէջ ահալւ մասնակցութեան համար: Հերթական հարց է դարձած այս պահանջը: Ինչպէս էլ որ լուծուի երկու կողմերի հայերի գործակցութեան խնդիրն այս ասպարիզում, արեւմտահայերը պէտք է աշխատանքի բաշխման հիմունքով, բացի կենտրոնական կարգադիր խորհուրդի մասնակցութիւնից, նաև առանձին գործունէութեան իրական շրջան ունենան: Գաղթականական՝ զանազան գործերը համեմատելով, մենք պէտք է գտնենք այն եզրակացութեան, որ նայելով շրջապատող հանգամանքներին, արեւմտահայերի համար ամենից աւելի յայտնար պարագմունքը կը լինէր յոգուածումս դրուած պահանջին բաւարարութիւն առել: Գաղթականների մաքին ու սրբաթին աւելի մօտ է իրենց ժողովրդի մտաւոր վերաշինութեան գործը. նրանք են որ ամենից աւելի շերտ սիրով ու փայփայանքով պէտք է ձեռնարկեն այդ ծանրակշիւ գործունէութիւնը:

Մեծ երեխաների շրջանում աւելի հեղինակութիւն կարող

են ունենալ արևմտահայերը, որ այսուհետև տնտեսական և քաղաքական շահերի համար անախորժութիւնները վերացնելու համար:

Բարերազգացար որբերի պետական նպաստը այսուհետև կրկնապատկուելու է, 30 ա. է նշանակուել: Եթէ արևելահայերի և արևմտահայերի կազմակերպութիւնների ներկայացուցիչները միանալով մի ղեկավար մարմին կազմեն ու կոչ անեն մեր և արևմտահայերի համակիր հասարակութիւններին, այս նուիրական նպատակի համար միջոցներ չեն պակասի: Պէտք է, փութալ ծրագիր կազմել և ներկայացնել արևմտահայերի նոր տերունդի ապագայով հետաքրքրուողներին: Թ. Հ. Կ. Կոմիտէն տեղեկութիւններ է հաւաքում 15 տարեկանից աւելի հասակ ունեցող որբերի մասին: Նոր կազմակերպութիւնը պէտք է այդ թուերը լրացնէ որբանոցներից դուրս եղած այդ հասակի դպրոցական և այլ երեխաների թուերով և ըստ այնմ մատակարարուէ արտայայտէ առաջիկայ ուսում. տարուայ նիւթական պահանջը և միջոցներ հայթայթէ:

Յ Տէր-Միրաքեան

ՀԱՅՈՒԹԵԱՆ ՄՆԱՑՈՐԴԸ ԹԻՒՐԳԻԱՅՈՒՄ

Իր 500-ամեայ գոյութեան ընթացքում թիւրք կայսրութիւնը երբեք չէր հասել այն օրհասական դրութեան, որի մէջ նա գտնուում է այժմ: Դաշնակիցները վերջապէս սկսել են նրան սեղմել մի երկաթեայ անխորտակելի թակարդի մէջ: Վերջին երկու շարաթուան ընթացքում անգլիական բանակների յաջողութիւնները թիւրքից զանազան ուղղությամբ զորքերի վրայ, նրանց յաղթական մուտքն ի Բաղդադ և նոյն քաղաքից դէպի հիւսիս-արևմուտք երկաթուղիի երկայնքն ի վեր, դարձեալ անգլո-եգիպտական բանակների յառաջնորդացութիւնը Դաղայի հովտում և գուցէ դէպի Երուսաղէմ, միաժամանակ ուսական բանակի յաղթութիւնները թիւրքո պարսկական լռաներում և Բաղդադից հիւսիս՝ երկու զաշնակից բանակների միացումը, ինչպէս նաև այդ զինուորական յաջողութիւնների հետ կապ ունեցող մի շարք հետեանքները՝ մեզ հայերիս համար ունին կենսական և անմիջական կարևորութիւն: Եթէ հանդէպ այն իրողութեան, որ անգլո-ուսական բանակները արդէն մօտեցել են այն սահմաններին, ուր տեղափոխուած են հայեր և թէ զինուորական գործողութիւնները կարող են ընդարձակուիլ դէպի Պաղեստինի և Եփրատի խորքերը, այդ երկու կառավարութիւնների հաւանութեամբ և աջակցութեամբ մենք ինչ միջոցներ կարող ենք ձեռք առնել, հնարաւորութեան չափով փրկելու այդ շրջաններում գեղ վերապրող մեր հայրենակիցները և նրանց անմիջապէս հասցնել նիւթական օգնութիւն:

Համաձայն այսօրուայ պաշտօնական լուրերին, անգլիացիք գրաւել են Բաղդադից դէպի հիւսիս երկարող երկաթուղիի վերջին կայարանը՝ Սամարրա: Ֆրանսական նաւատորմը կատարել է մի ցոյց Բէյրութի նաւահանգստի առջև, իսկ անգլո-եգիպտական բանակը կուում է Երուսաղէմից 30 մղոն դէպի հարաւ:

Հիմնուելով ամենահաւանական հնարաւորութիւնների վրայ, կարելի է ասել որ գուցէ շուտով մենք մեզ գտնենք շատ ուրախադէպ եղելութիւնների հանդէպ:

Ըստ ամերիկեան հայաստանական նպաստամատոյց յանձնա-

խմբի տեղեկագրին և «Հայկական Կապոյտ Գրքի» ներկայացուցած հաշուին, Հալէպից դէպի Դամասկոս և Հիւսիս երկարող սիւրիական երկաթուղու երկայնքը գտնուում են մեծ թուով հայեր: Յետագայ թուերը ընդունելով մօտաւորապէս ուղիղ, մենք կու. նենանք հետեալ արդիւնքը:—

Դամասկոսից մինչև Մանան (դէպի հարաւ) և շրջակայքը, մօտ 100,000 հայ, Համա և շրջակայ գիւղեր (աւելի դէպի հիւսիս) մօտ 12,000 հայ, Հոմա և շրջակայ գիւղեր (աւելի դէպի հիւսիս) մօտ 20,000:

Ամենաստոյգ տեղեկութիւնների համաձայն, առնուած չէ-զոք ազգիւրներից, անցեալ փետրուարին Երուսաղէմում և շրջակայքում կային մօտ 25,000 հայեր (կարծում եմ որ այս վերջին թիւը բովանդակում է Դամասկոսից մինչև Մանան հաշուած թիւին մէջ):

Յամանայի դէպս անգլիական բանակի այդ երկաթուղու գծին հասնելը՝ մեզ կը բերէ դէմ առ դէմ մեծ թուով հայեր փրկելու հնարաւորութեան:

Ի պատասխան British Armenia կոմիտէին իմ արած դիմումին, այժմ Բաղդադից ստացուած է պաշտօնական տեղեկութիւն, որի համաձայն Բաղդադում անգլ. իշխանութիւնները յաջողել են իսլամների տներից ազատել 80 հայ աղջիկներ և որոնք յոյս ունին դեռ հաւաքել 400-500 հայ արարեաներ այդ քաղաքում: Բաղդադի հայոց առաջնորդը և հայ գաղութը, ինչպէս նաև ամերիկացի միսիոնարները ստանձնել են հայ որբերի խնամատարութեան գործը: Ամերիկեան հայաստանական նպաստամատոյց յանձնախումբը արդէն հեռագրով Բաղդադ փոխադրած է 10,000 տուրք (աւելի քան 20,000 ա.), հայ վերապրողների անմիջական կարիքների համար: Բարայից անմիջապէս դէպի Բաղդադ է մեկնել միսիոնար դր. Լիվինգ՝ օգնելու նոն գտնուող ուրիշ մի միսիոնարի:

Հարցը աւելի լուրջ բնաւ օրութիւն ունի Պաղեստինի ռազմաճակատին վրայ, ուր մեծ թուով հայեր ցրուած են մի ընդարձակ անապատի տարածութեան մէջ և որոնց հաւաքման գործը պահանջում է կազմակերպուած ջանք և մեծ ջուճարներ:

Կէթ Երուսաղէմի մէջ ենթադրուած 25,000 հայերի փերկութեան պահում նրանց կերակրելու միջոցներ պէտք է գտնել: Երևաստարդ թիւրքերը մի դիտաւորեալ սովի մատնած են Սիւրիան և Պաղեստինը, որին զխաւորապէս ենթարկուած է քրիստոնեայ բնակչութիւնը:

Առ այժմ գծուար է ասել որոնող խմբերի կազմակերպութեան մասին: Գուցէ հոն են Զաւէն պատրիարքը և Օրմանեան սրբազանը: Եթէ հոս Լոնդոնում գոյութիւն ունենար մի գործունեայ և նրանց դրութեամբ հետաքրքրուող հայկական մարմին, նա անպայման կարող էր լաւ դեր կատարել ներկայ բուպէին՝ տարագրուած հայերի փրկութեան գործում:

Լոնդոն

ԱՐԵՎԱ ՍԱՅՐԱՍԵԱՆ

ՀԱՄԱԳՈՒՄԱՐԻ ԱՆՀՐԱՍԵՇՏՈՒԹԻՒՆԸ

Ռուսական յեղափոխութիւնը ազատ ստպարեզ բացաւ ժողովուրդների և հասարակական կազմակերպութիւնների առաջ:

Իւրաքանչիւր հիմնարկութիւն, իւրաքանչիւր դասակարգ, այժմ ձգտում է օգտուել այդ ազատութիւնից:

Դուռմարում են մէկը միւսի հետից համագումարներ, դասախօսութիւններ և միթիւններ հասարակական կեանքը կազմակերպելու և նոր կարգերին համապատասխան դարձնելու:

Չկայ հին բանապետական բազուկը, որ ունենալու է ու կաշկանդէ ժողովրդի ազատական թռիչքները: Այժմ ազատութիւնն իր սրբաբաւ թափերով սլանում է քաղաքից քաղաք, խրճիթից խրճիթ, փրկութեան խօսք մընջում նրան՝ որ երկար տարիների ընթացքում խաւարի և կեղեքումի մէջ պահել է ճնշուած դասակարգերը:

Մարդիկ վերածնունդ են՝ ոչ թէ միայն ֆիզիքայէս, այլ բարոցապէս: Ծիզիքական ու բարոյական վերածնութիւն, ահա թէ ինչ օգտակար գործ կարող է կատարել ազատութիւնը:

Բայց ազատութիւնը կը մնայ լոկ երազ, կը մնայ բազմաթիւ բայց ոչ իրականացած մի իդէալ, եթէ հող չկայ նրա համար, եթէ ժողովուրդը պատրաստուած չէ:

Հարկաւոր է պատրաստել ժողովուրդը ազատութեան համար: Ամենից առաջ պէտք է բաւարարել ժողովրդի ֆիզիքական ու մշտաւոր կարիքները:

Մտաւոր կարիքների բաւարարութեան համար անհրաժեշտ է լայն հիմքերի վրայ դրուած ժողովրդական դաստիարակութիւն, կուլտուրական յարատեւ աշխատանք:

Այդ պարտականութիւնը ամենամեծ շահերով կընկնի այն հաստատութիւնների ուսերին, որոնց նպատակն է ժողովրդի լուսաւորութիւնն ու կրթութիւնը: Կ. Հ. Բ. Ընկերութիւնը, որպէս հայ ժողովրդի լուսաւորութեան կարիքների բաւարարութեան ձգտող մի խոշոր կազմակերպութիւն, մեծ դեր պէտք է խաղայ ներկայ պայմաններում:

Մեր ժողովուրդը խոր տգիտութեան մէջ է գծո ևս. գաղտնիքների, ժողովրդական-հանրամատչելի գրագրարան-ընթերցարանների թիւը շատ սակաւ է, գիւղացութեան խոշոր զանգուածը գեո ևս լողում է նահապետական սովորութիւնների և հասկացողութիւնների մէջ: Հայկական գիւղերի և անկիւնների մեծ մասը անձանօթ է մնացել մեր մտաւորականութեան և խելղուած իր բազմաթիւ կարիքների մէջ: Դաւառացի հայ ժողովուրդը ներկայ կարգերին և ազատութեան անպատրաստ է, բաւիս լայն իմաստով: Նա տակաւին անգիտակ է իր արդար իրաւունքների և բաժին ընկած պարտականութիւնների ասպարիզում:

Դաւառն իր մթութիւնից, իր տարտամ, խաւար և կեղեքուած վիճակից դուրս բերելու համար, անհրաժեշտ է լսել նրա ձայնը. նրա ցաւերին ու աղաղակներին ակա՛ջալուր լինել, հաւաքել ամեն անկիւններից նրա ներկայացուցիչներին, խորհրդակցել ու ծրագրել գործունէութեան լայն և ըստ ամենայնի օգտակար ծրագիր:

Եւամբաւարեբո-ի X 20-ում հայ հասարակական գործիչ պ. Ս. Յարութիւնեանը իր Կ. Հ. Բ. Ընկերութեան համագումարի առթիւ վերնազրով յօդուածում չարք էր բարձրացրել զուգարէ Ընկերութեան բոլոր ճիւղերի ներկայացուցիչներից մի համագումար: Ահա մի լաւ միջոց, մի օգտակար ձեռնարկ, որ գաւառական կեանքի բարեփոխութեան գործում մեծ դեր կարող է խաղալ: Կ. Հ. Բ. Ընկերութիւնը հայկական ամենամեծ հաստատութիւնն է, որ գաւառական բազմաթիւ մասերում ճիւղեր ունի և որ կարող է ներկայ պայմաններում մեծ գործ կատարել:

Որպէս զի գումարուելիք համագումարը մեծ արդիւնք տայ պէտք է հետեւեալ հանգամանքների վրայ ուշադրութիւն դարձնել:

1) Աշխատել որքան կարելի է գաւառական բոլոր անկիւնները, ուր Ընկերութիւնը ճիւղ ունի, իրենց ներկայացուցիչներին անպայման ունենան համագումարում, իսկ բովանդակ գաւառը ներկայացնել. համար ճիւղեր բանալ այն շրջաններում, ուր չըկան:

2) Հրահանգել գաւառական ճիւղերին պատրաստուել համա-

գումարին՝ ոչ միայն ուղարկելով ձեռնհաս ներկայացուցիչներ, այլ գրաւոր, փաստացի գեկուցումներով պատկերացնել գաւառի իրական պատկերը, անհրաժեշտ կարիքներն ու պահանջները, ըստ տեղական պայմանների:

3) Ընդարձակել Ընկերութեան գործունէութեան սահմանագիծը. կանոնադրութիւնը կնքարկել փոփոխութեան, համապատասխան Ռուսաստանում տիրող ներկայ ազատական կարգերի և Ընկերութիւնը դարձնել համազգային, չը սահմանափակելով միայն կովկասում:

Այս և նման կարեւոր խնդիրները յանձնում ենք համագումարը կազմակերպող մասնաժողովի ուշադրութեան:

Ա. Մանուկեան

ՌԵԶՄԵԿԱՆ ՏԵՍՈՒԹԻՒՆ

Վերջին մի քանի շաբաթների ընթացքում համաշխարհային պատերազմի ժանրութիւնը տեղափոխուած է Ֆրանս-անգլիական ճակատում առաւելապէս և մասամբ էլ իտալականում:

Գերմանացի օդուռիւով Ռուսաստանում տիրող ներկայ երերուն և սպասողական վիճակից՝ իրենց զօրքերի ամենամեծ մասը տեղափոխեցին Ֆրանս-անգլիական ճակատի վրայ, դաշնակիցների հետգնետէ ահող առաջխաղացութեան առաջն առնելու համար:

Ռուսական ճակատը մնաց հանդարտ, ուստի զինուորներն եզրայրացման և նման սին ցնորքներից ազդուելով, սպասողական դիրք բռնեցին: Իսկ գերմանացիք ոյժ չունէին այդ ճակատի վրայ գրոհ տալու համար, երկրորդ, որ գերմանացիք շատ ճարպիկ և նեղ կերպով շահագործեցին Ռուսաստանի կացութիւնը. նրանք ոչ մի շարժում չարին՝ որպէսզի շարժանքն և չը բորբոքեն ուստի զինուորի ռազմական տնայր:

Արեւմտեան ճակատում դաշնակից զօրքերը հերոսական դիմադրութեամբ կարողանում են դիմանալ գերմանական պրոններին: Նրանք ոչ միայն իրենց ձեռքում են պահում առաջնուց գրաւուած դիրքերը, այլ և զանդադօրէն առաջանում են:

Շեվրէից արեւելք, Բուտէրիգի ուղղութեամբ լարուած Թընդանօթամարտ է: Արեւմտիւրից հարաւ գերմանացիները ուժեղ յարձակումներ են գործում, բայց միշտ էլ յետ են մղուած ծանր կորուստներով:

Կովկասեան ճակատում մասնակի ընդհարումներ են միայն տեղի ունենում: Ռուս սոցիալիստների մեծամասնական Ֆրակցիան պահանջ էր դրել Հայաստանը դատարկել ուստի զօրքերից: Այդ միանգամայն սարսափելի ու ոճրադաւ պահանջը բարեբախտաբար մերժումի հանգիպեց զինուորական նախարար Կերենսկու կողմից:

Հայաստանից ուստի զօրքերին գուրս բերելը ոչ միայն մեծ ֆլաս է ուստի պիտութեան շահերին, այլ և սոսկալի հարուած աշխատաւորութեան պատուին և շահերին: Եթէ սոցիալիստները պաշտպանում են ծանր ժողովուրդների, ճնշուած ազգերի և աշխատաւոր դասի օգուտը՝ ապա ուրեմն նրանք պէտք է Հայաստանը պաշտպանեն ընդդէմ թիւրք իմպէրիալիզմի և վանդալականութեան:

Ռուս զօրքի հետանալով, Թիւրք և քիւրդ բարբարոսների վաճառները պիտի յարձակին հայ և քրիստոնեայ աշխատաւոր և խաղաղ տարրերի վրայ և պիտի կոտորեն, հրի ու սրի մատնեն երկիրը:

Մեծամասնականների այս արտառոց և փաստակար ձգտումի գէժ ոչ միայն հայ ժողովուրդը պիտի ծառանայ իր բոլոր ոյժերով, այլ և զիտակից ղեմակրատիան, ախ ղեմակրատիան, որ պաշտպանում է մանր ժողովուրդների և աշխատուոր տարրի շահերը:

Լեւան

Ա Ն Լ Ա Թ Ի Կ Ո Տ Ո Յ Ա Մ Ը

ՓԲԽՈՒՍ

Ախլաթ գաւառից 10 վերստ հեռաւորութեամբ ընդարձակ հարթավայրի վրայ շինուած է Փրխուս գիւղը, որ նշանաւոր է իր շտեմարան արօտատեղիներէ և յստակ ու անուշ ջրերի կողմից: Գիւղը նախանձելի էր նաեւ կուլտուրապէս և տնտեսապէս, համարուած էր շրջակայ գիւղերի կեցրոնը և կառավարում էր միւղիորի (գաւառապետի) ու 10—15 ժանդարմների կողմից:

Նախքան համաշխ. պատերազմը գիւղն ունէր 250 տուն հայ բնակիչ, որոնք պարագում էին երկրագործութեամբ:

1915 թ. երբ այլ գաւառների համատարած կոտորածը սկըսուեց, միւղիորը հաւաքեց փրխուցիներին և վստահեցրեց որ մինչև վերջին շունչ պիտի աշխատի պաշտպանել հայերին և ազատել կոտորածից: Գիւղացիները համոզուելով այդ շարահով մարդու նենգ խօսքերից, մտնում են տեղերին անշարժ և չեն մտածում փախչելու և ազատուելու մասին:

Ապրիլ 28-ին կոտորածի հերթը հասաւ Փրխուսին: Յանձնապաի յայտնի ոճրագործ և աւազակ Ավաղը-Մէճիտը իր արբանձակներով եկաւ և պաշարեց գիւղը, հաւաքեց գիւղացիներին և ենթարկեց ծեծի ու չարչարանքի, որպէս զի իրեն յանձնեն ունեցածները՝ դրամ, կենդանիներ և իրեղէնները: Բոպէապէս կատարուեց ուղուրպատոր Ավաղը-Մէճիտի հրամանը, իսկ միւղիորը փոխանակ հայերին պաշտպանելու, հաւաքեց գեղեցիկ աղջիկներին և հարսներին ու բաժանեց ժանդարմներին և քիւրդներին, իսկ մընացած հայերին հակողութեան առկ առնելով պահեց ահ ու սարսափի մէջ...

Ապրիլ 30-ին սկսեց անխնայօրէն կոտորել 2,400-ից աւելի կին, մարդ և երեխայ, որոնցից ազատուեցին 300 անձ, որոնք մի կերպ պահուել էին թաքստարաններում և չէին նկատուել թըշնամու կողմից:

Նախքան պատերազմը Փրխուս ունեցել է մի քարաշէն եկեղեցի, մի ձիթանափ և 3 գարոց:

Գիւրգերը խլել են 1,250 եզ, 4,200 ոչխար, 800 կոճ, 300 ձի և այլն:

Այժմ յիշեալ գիւղը աւերակների մի կոյտ է ներկայացնում:

Յովսէփ Ռաշոյեան

ԵՐԵՒԱՆԻ ԳԻՒՂԱՅԻԱԿԱՆ ՀԱՄԱԳՈՒՄԱՐԻ ՈՐՈՇՈՒՄՆԵՐԸ

Երևանում մայիսի 20-ին Հ. Յ. Դաշնակցութեան զեկավարութեամբ գումարուած գիւղացիական բազմամարդ և բազմացեղ համագումարը տուել է հետեւեալ որոշումները:

1. Համագումարը քննելով ներկայ քաղաքական և տնտեսական դրութիւնը, գտնում է, որ նահանգի բոլոր աշխատուոր գիւղացիները, որոնք ճնշուած են եղել քաղաքականապէս և հարստահարուած տնտեսապէս, պէտք է միանան մի նահանգական գիւղացիական միութեան մէջ: Այդ միութեան մէջ չեն ընդունուելու: Նախկին կառավարութեան պաշտօնեաները, վաշխառուները և զանազան այլ հարստահարիչները:

2. Միութեան նպատակն է.

ա) Պատրաստուել Սահմանադիր ժողովին, ուղարկել այնպիսի մարդիկ, որոնք կը պաշտպանեն աշխատուոր գիւղացութեան շահեր, ջրի և ազատութեան պահանջները:

բ) Հսկել պետական մարմինների օրինապահ լինելուն:

գ) Պաշտպանել աշխատուոր գիւղացուն զանազան կեղեքումներից:

դ) Իրողործել այն որոշումները, որ արել է ներկայ համագումարը:

ե) Նպաստել այն բոլոր ձեռնարկութիւններին, որ բղիւում է աշխատուոր գիւղացութեան տնտեսական շահերից (կօսպերատիւներ, մերենաներ գտնել, վար ու ցանքսի, ջրային, պարենաւորման և այլն հարցերում):

զ) Նպաստել և զարկ տալ ամեն տեսակի բժշկական օգնութեան, համապարհների և այլ նման ձեռնարկութիւններին:

է) Կազմել հաշտարար կամերաներ այն վայրերում, ուր կը ծագեն վէճեր գիւղացիների ու կալուածատէրերի մէջ:

ը) Միջամտել և նպաստաւոր լուծում տալ բոլոր այն հարցերին, որոնք կը ծագեն գիւղացիների միջև՝ հողային և ջրային կարիքների շնորհիւ:

թ) Կազմակերպել հակայեղափոխական փորձերը ճնշելու գործը:

3. Գիւղացիական Միութեան կազմը.

ա) Գիւղի աշխատուորութիւնը (առանց հարստահարիչների) միանալով, կազմում է գիւղացիական միութիւն, որ ընտրում է գիւղական պատգամաւորների խորհուրդ:

բ) Գիւղախմբի (հասարակութեան, գլաւայութեան) գիւղական միութիւնները միանալով, կազմում են գիւղախմբային գիւղացիական միութիւնն իր խորհրդով:

գ) Գիւղախմբային միութիւնների միացումից առաջանում է գաւառակային (УЧАСТКОВЫЙ) գիւղացիական միութիւնն իր խորհրդով:

դ) Նոյն ձևով առաջանում են և գաւառական ու նահանգական միութիւնները իրենց խորհուրդներով:

ե) Նահանգական միութեան խորհուրդը լինելու է երեսնում:

զ) Նահանգի գիւղացութիւնը մասնակցում է 1917 թ. յունիսի 19-ի Անդրկովկասեան գիւղացութեան համագումարին և մտնում Անդրկովկասեան գիւղացիական միութեան մէջ, իսկ սրա միջոցով համառուսական գիւղացութեան միութեան մէջ:

4. ա) Իւրաքանչիւր աստիճանի գիւղացիական պատգամաւորական խորհուրդ հսկում և կապ է ունենում իր աստիճանի վարչական մարմինների հետ, իրազորւում է միութեան նպատակները իր շրջանի և իրաւասութեան համաձայն:

բ) Իւրաքանչիւր աստիճանի միութիւն իր խորհրդի միջոցով կազմակերպում է համագումարներ, ժողովներ, օճֆերենդումներ (հարցումներ), դասախօսութիւններ և այլն: Կրտտարակում և ստանում է թուցիկներ, թերթեր և զբոյժներ:

գ) Միութեան անդամները տալիս են անդամագէտը՝ միութեան ծախքերը հոգալու համար: Նոյն նպատակով կազմակերպւում են երեկոյթներ, ներկայացումներ և այլն:

5. Համագումարն անմիջապէս ընտրում է գիւղացիական նահանգական խորհուրդ, որին պատուիրում է՝ կիրառել համագումարի բոլոր որոշումները, ստեղծելով իրեն կից անհրաժեշտ մարմինները, իսկ միութեան շուտափոյթ կազմակերպման անցնելով, զործակցութեան կոչ է անում այն բոլոր հիմարկութիւններին և անհատներին, որոնք այդ գործում ձեռնհաս են:

Համագումարն ունեցաւ մեծ յաջողութիւն: Շուտով յունիսի 19-ին Թիֆլիսում կը կայանայ Անդրկովկասեան գիւղացիների ընդհ. համագումարը:

Գ ե դ ա ր ա լ ե ս ա տ

Տարեգիր Կ. Հ. Բ. ԸՆԿ.

Վերջալոյսի ըոստըններով հրավարս՝
Քրքում քոյր,
Որեւն ասա կը մարի...
Ինչ արքշանք, ու երազներ վարդաթել...
Ինչ գեղեցիկ է հոգեւարքն Արեւին
Ու դուն՝ անող հուսկ պերճանքները հագած...
Հոգիիդ հետ, ինչ ժպիտներ աչքերէդ ինձ կը ծորին...
Ինչ լուսազնդ, ինչ կախարդամք մ'ես լուսաթել, քոյր,
Քրքում քոյր...

Իրիկնային մթնշաղին մէջ ընկղմած՝
Տրտում քոյր,
Գիշերն ասա կը փրթի...
Տես աստղերը, երազներդ հետ մերմակ,
Շուշաններդ ալ էս շար ի շար կը փթթին...
... Կուլմս, քոյր...
Բայց ինչու, ինչ կայ լալու, քոյր.
Տրտում քոյր...
Թեթիւ

ՎԻՓՈՒՅՆՆԻ

ՀԱՅՐԵՆԻ ԱՇՈՒՆԸ

Այգիներուն մէջ աշունն՝
Իր բերրի գոգն է բացեր.
Ծառ ու սաղարթ խշխշուն՝
Ողջերթի երգն են լացեր...

Մէզ մշուշը կոխրտի,
Դաշտերուն ծոցը մուայ.
Սար-լանջերէն կը յորդի
Վերջի գեղմունքն անփայլ:

Ուր է խնձոյքը համբուն...
Ուր՝ գեղջուկները կայտառ...
Ուր՝ ջինջ մայիւնն հօտերուն...
Ինչու այս ուռզն անբարբառ...

Թախծապատում յանկերգն է՝
Ծանր հովերուն հիւսիսի...
Դալիութիւնն է, որ կիջնէ...
Ուր մերկութիւնն կը մրսի...

Հ. Արսուր

ԽՈՐՀՈՒՐԴ

Կ. Հ. Բ. ԸՆԿ. Խորհուրդը շնորհակալութեամբ ստացել է.
—ա. Դէորդ Շաղինեանից և իւր ընտանիքից եղբոր՝ Սահ-
փանի դագաղի վրայ պսակ դնելու փոխարէն 100 ա.:
—ա. Գրիգոր Իվանիչ Ապրելեանից յօգուտ չբաւորների 5 ա.:
—Թեմիր Խան Շուրայից Լիւդմիլա Վլադիմիրովնա Կոմա-
րովսկուց յօգուտ գերիների ազատման 10 ա.:

ՀԱՅԿ. ԿԵՆՏ. ԿՈՄԻՏԷ

Յունիսի 10-ին կայացաւ Հ. Կ. Կոմիտէի հերթական նիստը,
նախագահութեամբ պ. Ս. Յարութիւնեանի, ուր զեկուցուեցին և
եղան հետեւեալ որոշումները.

1) պ. նախագահը յայտնեց ժողովին Կոմիտէի նախկին
անդամ տիկ. Ղամբարեանցի մահուան մասին, աւելացնելով որ
տիկինը երկար ժամանակ Կոմիտէի շարքերում աշխատել է հա-
սարակական և դաղթականական աշխատանքներին, առաջարկեց
նրա յիշատակը յարգել յոտընկայս, ապա ամբողջ կազմով ներ-
կայ լինել Թաղման, յայտնելով ցաւակցութիւն նրա զաւակներին:

2) Զեկուցուեց որ Խնուսից տեղո են հասել 74 որբ, որոնց
հարկուոր է երկու օր հանգիստ տալուց յետոյ ուղարկել որ և է
վայր, ըստ որում յարմար համարուեց այդ որբերին էլ ուղարկել
Ծարսկիէ-Կոլոդցի:

3) պ. նախագահը զեկուցեց, որ փախստականների յատուկ
խորհուրդը որոշել է ապրիլից փախստականներին տրուող նը-
պասուր աւելացնել՝ վեց ուսուցիչի գարձնելով 7 ա. 50 կ., քաղա-
քում ապրող փախստականներին բնակարանային վարձը 3 ա.,
զիւղերում ապրողներին՝ 2 ա.: Աշխատանքի անընդունակներին
տրուող նախկին 10 ա. նպաստը դարձել է 15 ա. կէս տարուայ
համար:

4) Կոմիտէի գանձապահի պաշտօնին հրաւիրուեց Խորհրդի
անդամ պ. Ս. Լիսիցեանը:

ՊԱՐԵՆԱԻՈՐՄԱՆ ԲԱԺԱՆՄՈՒՆՔ ՊԵՏ. ՄԻՋՈՑՆԵՐՈՎ

Յունիսի 7—15 ալիւր ուղարկուած է Ղամբարու 4 վագոն,
Երևան՝ 2, Նոր-Բայազէդ՝ 2, Ներքին-Ախտա՝ 1, Դանձակ՝ 3,
Բարձանսարա՝ 1 և Դիլիջան՝ 1, ընդամենը 14 վագոն:

Ցորեն ուղարկուած է Ղարաբիլիսա 1 վագոն, Նոր-Բայա-
զէդ՝ 2 և Դիլիջան՝ 2, ընդամենը 5 վ.:

Սապոն ուղարկուած է Բարձանսարա 60 պ. և Երևան 200,
ընդամենը 260 պ.:

Շաքար ուղարկուած է Երևան 600 պ.:

Նոր գնուեցին. գնուած է Ռոստովում 1 վագոն սագոն:

Յունիսի 11-ին կայացաւ Պարենաւորման բաժանմունքի
հերթական ժողովը, որտեղ զեկուցին Խնուսի և Ալաշկերտի պա-
հեստների կառավարիչները՝ պ. պ. Փափազեանը և Կարօ Սասուն-
նին պահեստների դրութեան և գործունէութեան մասին: Նրանց
զեկուցումից երևաց, որ պահեստները լիքն են ամեն տեսակի
մթերքներով և որ տեղական դաղթականութիւնը միանգամայն
գոհ է պահեստների գործունէութիւնից:

Զեկուցողների խնդրի համաձայն որոշուեց լիազօրել պ.
Գ. Փափազեանին պահեստներ բանալ Մոստուում և Դիւ-
թաղում, որտեղ 17,000-ի չափ բնակչութիւն կայ:

Նոյն ժողովում որոշուեց բանալ պահեստ և Թալինի շրջա-
նում, որտեղ մօտաւորապէս 3500 դաղթականութիւն կայ:

ՀԵՌԱԳՐԵՐ

Հայկ. Կենտր. Կոմիտէին Հոնգոնից պ. Արշակ Սաֆրաստեանը հետազոտում է. — «Երէկ Հայոց դքսական տուն էր. վերջացաւ մեծ յաջողութեամբ»:

ՆՈՒԷՐՆԵՐ «ՀԱՄԲԱԻԱՐԵՐ»-Ի ՏԱՐԱԾՄԱՆ ՀԱՄԱՐ

Յօդուած «Համբաւարեր»-ի տարածման Գուրչաւմարբեանի կտակահատարներին շնորհակալութեամբ ստացանք 500 ռուբլի:

Քրոնիկոն

Կովկ. Հայոց Բարեգործ. Հնկ.-ը ազատութեան փոխառութեանը գրուել է 25,000 ռ.:

—Անդրկովկասեան երկրային առանձին խորհրդակցութիւնը իր վերջին նիստում որոշեց զիմել կառավարութեան, որ ամենամօտ ապագայում, մի քանի ամսուայ ընթացքում, մեր երկրում մացուի զեմսովօ զեմոկրատիկ նիստերնեցով:

—Գրոֆէտոր Ն. Մառի նախաձեռնութեամբ Թիֆլիսում հիմնւում է Կովկ. Հնագիտական ինստիտուտ:

—Ամսիս 15-ին քաղաքացիական կոտորածներէ համազումարը, որը կը տեւի մինչև յունիսի 20-ը:

—Յունիսի 12-ին վախճանուեց Թիֆլիսի քաղաքային վարչութեան անդամ Միքայէլ Զարարը:

—Թիֆլիս է եկել ռուս քանասահեղծ Բալմոնտը, որ կարգաւ է մի շարք դասախօսութիւններ:

—Երեւանում Հ. Յ. Դաշնակցութեան նախաձեռնութեամբ կազմակերպուած գիւղացիական համագումարին մասնակցել են տեւի քան հազար պատգամաւոր հայերից, թուրքերից և ուրիշ ազգութիւններէ: Համագումարը տուել է կարևոր որոշումներ և ունեցել լաւ ազդեցութիւն: Ալէքսանդրապոլում, Դիլիջանում և այլ վաւառներում համապէս կազմակերպուած են գիւղացիական համագումարներ:

—Արեւմտահայ գաղթ. խորհուրդը Մեսրոպ Եպիսկոպոսից ստացել է 110,000 ռ. նպաստ գաղթ. որբանոցների և դպրոցների օգտին:

—Կ. Լիսիցեանի երկսեռ գիմնազիոնն եկող ուսումնական տարուանից ազգայնանում է՝ պահպանելով պետական գիմնազիոնների բոլոր իրաւունքները, և այսպիսով լինելու է առաջին հայկական գիմնազիոնը Կովկասում: Մինչև առաջին դասարան դասաւանդութիւնը լինելու է հայերէն:

—Թիֆլիսում լոյս է տեսնում Հ. Յ. Դաշնակցութեան «Աշխատաւոր» թերթը, որի շուրջը խմբուած են երիտասարդ և պատրաստուած ոյժեր: Թերթը բերան պիտի հանդիսանայ բանուորական և գիւղացիական շահերին:

—Բազում հրատարակում է հայ սոցիալ-դեմոկրատների օրգան «Բանուոր» թերթը:

—Ամենայն Հայոց Կաթողիկոսը հրատարակել է ապրիլի 5-ին մի կոնգակ, որով կազմել է մի յանձնաժողով Յուսիկ արքեպիսկոպոսի նախագահութեամբ և Խորէն, Մաթթէոս, Գէորգ, Տիրայր Եպիսկոպոսների և Դիւան արեղայի անդամակցութեամբ, պաշտօն տալով այդ յանձնաժողովին՝ կազմել մի նոր ուրուագիծ այն սահմանադրութեան, որ պէտք է ունենայ Հայոց Եկեղեցին՝ 1836 թ. «Գուրմենիայի» փոխարէն: Այդ սահմանադրութիւնը պէտք է ենթարկուի ազգային ժողովի քննութեան:

—Երևանի գիւղացիական խորհրդի նախագահ Մեղումբէկով խնդրել է 3-րդ Գեա. Դումայի անդամ Յովհ. Սաղաթելեանին՝ լինել Երևանի նահանգի գիւղացութեան ներկայացուցիչը Գետրոգրադում կայանալիք զին. բան. և գիւղացիական համագումարում այն պայմանով, որ հողային հարցը պաշտպանի Դաշնակցութեան ծրագրով:

ՆԱՄԱԿ ԽՄԲԱԳՐՈՒԹԵԱՆ

Նոր-Ջուղա, 26 մայիսի 1917

«Համբաւար»-ի պատուարժան խմբագրութեան,

Մրանով գալիս ենք մեր խորին շնորհակալութիւնը յայտնելու պատուարժան խմբագրութեանը, որ յարգելով Վարչութեան խնդիրը, բարի եղաք 10 օրինակ մեր թերթից նուիրելու Սպանիայի շրջակայքում գտնուող Փերիա և Զարմահայի գիւղերին:

Ի դիմաց «Բաֆֆի» դրագ.-ընթերց. վարչութեան Գ. Նահապետեան

ՏԵՂԵԿԱՏՈՒ

Տրագիգոնից Հ. Կ. Կոմիտէին հաղորդում են, որ յունիսի 2-ին Օրտու քաղաքից նաւակով ազատուել են հետեւեալ հայերը:

Հրանուշ Կարապետ Խանեան, 12 տարեկան, Տրագիգոն քաղաքից, Քենովափէ Նշան Արշալեան, 15 տար., Օրդուից, Մազիկ Յակոբ Տարազեան, 19 տարեկան, Մալմառ գիւղից, Ազնիւ Նշան Արշալեան 19 տար. Օրդուից, Վիդթորիա Կարապետ Զօնիկեան 19 տար. Գոլիս Գուլ Դափու, Մարիամ Կիրակոս Մէլէքեան 25 տար. Օրդու, Մազմառ գիւղ, Միսակ Սողոմոն Տէր-Անդրէասեան 30 տար. Օրդուից, Մանուկ Սողոմոն Տէր-Անդրէասեան 39 տար. Օրդուից, Մկրտիչ Յովակիմ Լազեան 35 տար. Օրդուից, Զիվան Աւագ Մաաուրեան 29 տար. Օրդուից, Գէորգ Դաւիթ Օհանեան 30 տար. Զաւուշլար գիւղից:

Խմբագիր՝ ՍԱՄՍՈՆՆ ԳՐԵՐԻԹԻՆԵԱՆ.

Հրատ. Կ. Հ. Գ. ՀՆԿԵՐՈՒԹԻՆ.

Тип. «СЛОБО» Гимназическая ул. № 1